

**ლანჩხუთის მუნიციპალიტეტის საკრებულოს სოციალურ
საკითხთა, განათლების, კულტურისა და
ახალგაზრდულ საქმეთა კომისიის სხდომის
ოქმი № 11**

ქ. ლანჩხუთი

18.12.2025 წელი

16:00 საათი

სხდომას უძღვებოდა: ლანჩხუთის მუნიციპალიტეტის საკრებულოს სოციალურ საკითხთა, განათლების, კულტურისა და ახალგაზრდულ საქმეთა კომისიის თავმჯდომარე **კარლო კვიტაიშვილი**.

სხდომას ესწრებოდა კომისიის წევრები: დარეჯან ბურჭულაძე, ნინო მშვიდლობაძე, რევაზ კვერენჩილაძე, ივანე ებრაღიძე, გელა პატიშვილი, ირაკლი ტოროტაძე, თენგიზ ხუბუნაიშვილი, ვარლამ ჩხარტიშვილი.

სხდომას აგრეთვე ესწრებოდნენ მოწვეული სტუმრები: ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსი **როლანდ ლაშხია**, ლანჩხუთის მუნიციპალიტეტის მერიის სპორტის და ახალგაზრდულ საქმეთა განყოფილების უფროსის მოვალეობის შემსრულებელი **დავით სალუქვაძე**, ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანების დირექტორი **გოდერძი ქურიძე**, ა(ა)იპ ლანჩხუთის მუნიციპალიტეტის სპორტული ცენტრის დირექტორი **დიმიტრი მარშანიშვილი**, ა(ა)იპ ლანჩხუთის მუნიციპალიტეტის სპორტული ცენტრის ბუღალტერი **მედეა ხუბუნაიშვილი**, საკრებულოს თავმჯდომარის მოადგილე **მაია ლომთაძე**, საკრებულოს აპარატის მესამე რანგის პირველი კატეგორიის უფროსი სპეციალისტი **საზოგადოებასთან ურთიერთობის საკითხებში ლაშა სარჯველაძე**, საკრებულოს აპარატის მეოთხე რანგის პირველი კატეგორიის უმცროსი სპეციალისტი **ნინო ჭანტურიშვილი**.

სხდომის თავმჯდომარემ, კარლო კვიტაიშვილმა სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვა.

/მომხსენებლები კარლო კვიტაიშვილი; როლანდ ლაშხია/

2. ა(ა)იპ „ლანჩხუთის მუნიციპალიტეტის კულტურის დაწესებულებათა გაერთიანების“ 2026 წლის მიმდინარე საკითხების განხილვა.

/მომხსენებელი კარლო კვიტაიშვილი/

3. ა(ა)იპ „ლანჩხუთის მუნიციპალიტეტის სპორტული ცენტრის“ 2026 წლის მიმდინარე საკითხების განხილვა.

/მომხსენებელი კარლო კვიტაიშვილი/

4. სხვადასხვა საკითხები.

დღის წესრიგის პროექტის მიმართ კომისიის წევრების მიერ შენიშვნები არ გამოთქმულა.

კომისიის თავმჯდომარემ, კარლო კვიტაიშვილმა კენჭი უყარა დღის წესრიგის პროექტს:

მომხრე 9; წინააღმდეგი არც ერთი.

დღის წესრიგის პირველი საკითხი: „ლანჩუთის მუნიციპალიტეტის 2026 წლის ბიუჯეტის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი სხდომას გააცნო ლანჩუთის მუნიციპალიტეტის მერიის საფინანსო-საბიუჯეტო სამსახურის უფროსმა **როლანდ ლაშხიაშვილმა** და აღნიშნა, რომ ლანჩუთის მუნიციპალიტეტის ბიუჯეტის მაჩვენებლები დამოკიდებულია საქართველოში არსებულ მაკროეკონომიკურ მაჩვენებლებზე და საქართველოს კანონმდებლობით დადგენილ მაკროეკონომიკური პარამეტრების ზღვრების დასაცავად განსახორციელებელ ღონისძიებებსა და შეზღუდვებზე.

საქართველოს ცენტრალური ხელისუფლების მიერ 2026-2029 წლების ძირითადი ეკონომიკური და ფინანსური ინდიკატორების საბაზო მაჩვენებლების შესაბამისად (2026 წლის სახელმწიფო ბიუჯეტის შესახებ კანონპროექტის თანდართული მასალები). მუნიციპალიტეტის 2026 წლის ბიუჯეტის დამტკიცების შესახებ დადგენილების პროექტში ხარჯების ეკონომიკური კლასიფიკაციის მუხლით განსაზღვრული ასიგნებების ზრდა შეესაბამება საქართველოს ადგილობრივი თვითმმართველობის კოდექსის 155¹ მუხლის 2-ე პუნქტის მოთხოვნებს.

საგადასახადო შემოსავლები

საგადასახადო შემოსავლების საპროგნოზო მაჩვენებლები საქართველოს საბიუჯეტო კოდექსის 77-ე მუხლის 6-ე და 6¹-ე პუნქტების გათვალისწინებით საქართველოს ფინანსთა სამინისტროდან მიღებულ საგადასახადო შემოსავლების საპროგნოზო მაჩვენებლებია.

2026 წლის პროგნოზით მუნიციპალიტეტის ბიუჯეტის შემოსავლები ნომინალურ გამოხატულებაში 22074,4 ათას ლარს შეადგენს.

2026 წლის პროგნოზით მუნიციპალიტეტის ბიუჯეტის საკუთარი შემოსავლები ნომინალურ გამოხატულებაში 21588,4 ათას ლარს შეადგენს.

2026 წელს საგადასახადო შემოსავლების პროგნოზი გადასახადების სახეების მიხედვით შემდეგია:

დამატებული ღირებულების გადასახადის საპროგნოზო მაჩვენებელი განისაზღვრა 16176,4 ათასი ლარით;

2025 წლის გეგმიურ მაჩვენებელთან შედარებით დღგ გაზრდილია 7,8 %-ით (1176,1 ათასი ლარით). აღნიშნული მოცულობით ზრდა გამოწვეულია მიმდინარე წელს, დაგეგმილზე მაღალი ეკონომიკური ზრდის შედეგად მოსალოდნელი გადაჭარბების და მომდევნო წელს ეკონომიკის ნომინალური ზრდის ფისკალური ეფექტებით;

ქონების გადასახადის საპროგნოზო მაჩვენებელი შეადგენს 2200,0 ათას ლარს;

2026 წლის დამტკიცებულ გეგმასთან შედარებით ქონების გადასახადი 600 ათასი ლარით არის გაზრდილი , რაც გამოწვეულია უცხოურ საწარმოთა ქონების გადასახადის გაზრდით.

გრანტების სახით დაგეგმილი მაჩვენებლები განისაზღვრება 486 ათასი ლარით, მათ შორის 2025 წლის გეგმიურ მაჩვენებელთან შედარებით გრანტები 25,9 % ით გაიზარდა.

მიზნობრივი გრანტი 486,0 ათ ლარი

2026 წელს არასაგადასახადო შემოსავლების პროგნოზი გადასახადების სახეების მიხედვით შემდეგია:

შემოსავლები საკუთრებიდან განსაზღვრულია 540,0 ათასი ლარის ოდენობით, მათ შორის:

რენტა 490,0 ათასი ლარი;

პროცენტები 50 ათასი ლარი

2025 წლის გეგმიური მაჩვენებელი 100 ათასი ლარით შემცირებულია , რაც გამოწვეულია პროცენტების შემოსავლის შემცირებით.

შემოსავლები საქონელისა და მომსახურების რეალიზაციიდან განსაზღვრულია 72,0 ათასი ლარის ოდენობით, მათ შორის:

სანებართვო მოსაკრებლები 20,0 ათასი ლარი;

მოსაკრებელი დასახლებული ტერიტორიის დასუფთავებისათვის 12,0 ათასი ლარი;

არასაბაზრო წესით გაყიდული საქონელი და მომსახურება 40,0 ათასი ლარი;

აღნიშნული შემოსავლები 2025 წლის საპროგნოზო მაჩვენებლებთან არის შესაბამისობაში.

შემოსავლები სანქციები, ჯარიმები და საურავებიდან განსაზღვრულია 2500.0 ათასი ლარის ოდენობით, მათ შორის:

2025 წლის გეგმიურ მაჩვენებელთან შედარებით შემცირებულია მოსალოდნელი შესრულების გათვალისწინებით.

ტრანსფერები რომელიც სხვაგან არ არის კლასიფიცირებული (შემოსავალი ხელშეკრულების პირობების დარღვევის გამო დაკისრებული პირსაგამტეხლოდან) 100,0 ათასი ლარი

არაფინანსური აქტივების კლების (პრივატიზაცია) სახით მისაღები თანხების გეგმა შეადგენს 100,0 ათასი ლარს;

ამავდროულად ბიუჯეტი ითვალისწინებს ვალის დაფარვას 29,1 ათასი ლარის ოდენობით.

მუნიციპალიტეტის ბიუჯეტის გადასახდელები.

მუნიციპალიტეტის ბიუჯეტის გადასახდელების მოცულობა შეადგენს 27659,4 ათას ლარს (2025 წლის დამტკიცებულ გეგმასთან შედარებით იზრდება 700,6 ათასი ლარით).

აღნიშნული ზრდა გამოწვეულია მომსახურების ხარჯების ზრდით.

პრიორიტეტების მიხედვით გათვალისწინებულია:

ინფრასტრუქტურის განვითარება - 4717,4 ათასი ლარი;

მათ შორის:

საგზაო ინფრასტრუქტურის განვითარება - 833,4 ათასი ლარი;

წყლის სისტემების განვითარება - 572,0 ათასი ლარი;

გარე განათება - 850,0 ათასი ლარი;

კეთილმოწყობის ღონისძიებები - 1312,0 ათასი ლარი;

საპროექტო-სახარჯთაღრიცხვო დოკუმენტაციისა და სამშენებლო სამუშაოების ტექნიკური ზედამხედველობისა და ექსპერტიზის ხარჯები განსაზღვრულია 750,0 ათასი ლარი:

პროგრამის ფარგლებში განხორციელდება მუნიციპალიტეტის მიერ განსახორციელებელი ინფრასტრუქტურული სამუშაოებისთვის საჭირო საპროექტო დოკუმენტაციის შესყიდვის ხარჯებისა და ექსპერტიზის ხარჯების ანაზღაურება. ასევე, მოხდება სამშენებლო სამუშაოების ტექნიკური ზედამხედველობისათვის საჭირო ხარჯების ანაზღაურება.

სოფლის პროგრამის მხარდაჭერა 300 ათასი ლარი

ოჯახების სოციალურ - ეკონომიკური გაძლიერების მხარდაჭერის პროგრამა - 100,0 ათასი ლარი

დასუფთავება და გარემოს დაცვა განისაზღვრა - 3275,0 ათასი ლარი, მათ შორის:

დასუფთავება და ნარჩენების გატანა - 2880,0 ათასი ლარი

პროგრამის ფარგლებში განხორციელდება მუნიციპალიტეტის დაგვა-დასუფთავება და ნარჩენების გატანა.

მწვანე ნარგავების მოვლა-პატრონობა, განვითარება - 375,0 ათასი ლარი

მოსახლეობისთვის ჯანსაღი და კომფორტული გარემოს შესაქმნელად აუცილებელია მუნიციპალიტეტის გამწვანება და ეკოსისტემის გაუმჯობესება. პროგრამის ფარგლებში მოხდება ქალაქ ლანჩხუთში მწვანე ნარგავების მოვლა-პატრონობა, მუნიციპალიტეტის ტერიტორიაზე არსებული სკვერების მოვლა-პატრონობა.

უპატრონო ცხოველების მოვლითი ღონისძიებები - 20,0 ათასი ლარი;

პროგრამის ფარგლებში განხორციელდება მაწანწალა ცხოველების დაცვითი ღონისძიებები.

განათლება - 5560,0 ათასი ლარი, მათ შორის:

სკოლამდელი განათლება - 5500,0 ათასი ლარი;

განათლების ხელშეწყობა - 60,0 ათასი ლარი

კულტურა, ახალგაზრდობა და სპორტი - 5525,3, ათასი ლარი მათ შორის:

სპორტის განვითარების ხელშეწყობა - 2690,0 ათასი ლარი;

პროგრამის ფარგლებში დაგეგმილია სპორტული სკოლების ფუნქციონირების ხელშეწყობა ჯანსაღი მომავალი თაობის აღზრდის მიზნით. ასევე, სპორტის სხვადასხვა სახეობაში გაიმართება ტურნირები მოყვარულ და პროფესიონალ სპორტსმენებს შორის, მოხდება სპორტული სკოლების უზრუნველყოფა საჭირო ინვენტარით. პროგრამა ითვალისწინებს ლანჩხუთის მუნიციპალიტეტში მცხოვრებ წარმატებულ სპორტსმენთა და მწვრთნელთა დაჯილდოების ხარჯებსაც.

კულტურის განვითარების ხელშეწყობა -2800,3 ათასი ლარი;

პროგრამის ფარგლებში მუნიციპალიტეტი განახორციელებს სახელოვნებო სკოლების, ბიბლიოთეკების, მოსწავლე-ახალგაზრდობის ცენტრის, მუზეუმისა და კულტურის ცენტრის დაფინანსებას, უზრუნველყოფს მათი ფუნქციონირებისთვის საჭირო მატერიალური და ფინანსური ბაზის შექმნას. მუნიციპალიტეტის კულტურული ტრადიციების დაცვის მიზნით პროგრამის ფარგლებში გაგრძელდება სხვადასხვა კულტურული და დასვენების ობიექტის ფინანსური მხარდაჭერა, განხორციელდება სხვადასხვა კულტურული ღონისძიებები, მათ შორის სადღესასწაულო დღეებში სხვადასხვა გასართობი და სანახაობრივი ღონისძიება და სხვა.

ახალგაზრდობის მხარდაჭერა -35,0 ათასი ლარი;

პროგრამის ფარგლებში დაგეგმილია ახალგაზრდობის ინიციატივებით წარმოდგენილი სხვადასხვა პროექტების განხორციელება და სხვა.

ჯანმრთელობის დაცვა და სოციალური უზრუნველყოფა - 1855,0 ათასი ლარი, მათ შორის:

საზოგადოებრივი ჯანმრთელობისა და უსაფრთხო გარემოს უზრუნველყოფა 310.0 ათ ლარი

სოციალური პროგრამები - 1545,0 ათასი ლარი; გათვალისწინებულია შემდეგი პროგრამების:

ათ ლარი

სოციალური დაცვა	1,545.0
შშმ პირთა დახმარების პროგრამა (პროგრამა აერთიანებს	176.0
მრავალშვილიანი ოჯახების და მესამე და მომდევნო ახალშობილზე დახმარების პროგრამა	45.0
სამკურნალო და საოპერაციო ხარჯებით დახმარების პროგრამა	250.0
სარეაბილიტაციო ცენტრ "იავნანას" თანადაფინანსების პროგრამა	20.0
მოსწავლეთა ტრანსპორტირების პროგრამა	20.0
მზრუნველობამოკლებულთა უფასო კვებით უზრუნველყოფის პროგრამა	190.0
მოწყვლადი ოჯახების ერთჯერადი ფულადი დახმარების პროგრამა(პროგრამა აერთიანებს	106.0
ომის ვეტერანებისა და მათი ოჯახების დახმარების პროგრამა	55.0
მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა	130.0
ლანჩუთის რეგიონალური ორგანიზაციის „გამარჯვებულ ქალთა კლუბი“- ს ონკოპაციენტთა მხარდაჭერის, რეაბილიტაციის და ფარისებრი ჯირკვლის კიბოს სკრინინგისა და ადრეული გამოვლენის პროგრამა	80.0
მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახების, ქალთა მიმართ ან/და ოჯახში ძალადობის მსხვერპლთა დახმარების, ასევე სახელმწიფო ზრუნვის სისტემიდან გასული ახალგაზრდობის ერთჯერადი ფულადი დახმარების პროგრამა	57.0
აუტისტური სპექტრის მქონე ბავშვთა სარეაბილიტაციო კურსის დაფინანსების პროგრამა	180.0
ლანჩუთის მუნიციპალიტეტის პერსონალური ასისტენტის სერვისის პროგრამა	176.0
რისკის ქვეშ მყოფი 0- დან 18 წლამდე ბავშვიანი ოჯახების გაძლიერების პროგრამა	60.0

მმართველობა - 6726,7 ათასი ლარი, მათ შორის:

საკრებულოს დაფინანსება - 1669 ათასი ლარი;

მერია - 4648,6 ათასი ლარი;

სარეზერვო ფონდი - 70,0 ათასი ლარი;

სსიპ მუნიციპალური განვითარების ფონდისთვის დასაფარავი თანხა და ვალის მომსახურება 34,1 ათასი ლარი, მათ შორის - ძირითადი 29,1 ათასი ლარი და პროცენტი -5 ათასი ლარი.

წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა 5,0 ათასი ლარი

ტურიზმის განვითარების ხელშეწყობა - 300,0 ათასი ლარი.

მხარჯავი დაწესებულებების მიხედვით მუნიციპალიტეტის ბიუჯეტის ასიგნებები შემდეგნაირად განისაზღვრება:

/ათასი ლარი/		
-	ლანჩხუთის მუნიციპალიტეტი	27659,4
01 00	მმართველობა და საერთო დანიშნულების ხარჯები	6726,7
01 01	საკანონმდებლო და აღმასრულებელი ხელისუფლების საქმიანობის უზრუნველყოფა	6317,6
01 01 01	ლანჩხუთის მუნიციპალიტეტის საკრებულო	1669
01 01 02	ლანჩხუთის მუნიციპალიტეტის მერია	4648,6
01 02	საერთო დანიშნულების ხარჯები	409,1
01 02 01	სარეზერვო ფონდი	70.0
01 02 02	წინა პერიოდში წარმოქმნილი ვალდებულებების დაფარვა და სასამართლოს გადაწყვეტილებების აღსრულების ფინანსური უზრუნველყოფა	5
01 02 03	მუნიციპალიტეტის ვალდებულებების მომსახურება და დაფარვა	34.1
01 02 05	ტურიზმის განვითარების ხელშეწყობა	300
02 00	ინფრასტრუქტურის განვითარება	4717,4
02 01	საგზაო ინფრასტრუქტურის განვითარება	833,4
02 01 01	გზების კაპიტალური შეკეთება	518,4
02 01 02	გზების მიმდინარე შეკეთება	150
02 01 03	საგზაო ნიშნები და უსაფრთხოება	165
02 02	წყლის სისტემების განვითარება	572
02 02 01	წყლის სისტემის რეაბილიტაცია	350
02 02 02	წყლის სისტემის ექსპლოატაცია	222
02 03	გარე განათება	850
02 03 01	გარე განათების ქსელის ექსპლოატაცია	850
02 06	კეთილმოწყობის ღონისძიებები	1312
02 06 01	საზოგადოებრივი სივრცეების მოწყობა-რეაბილიტაცია, ექსპლოატაცია	450
02 06 02	მუნიციპალური ტრანსპორტის ხელშეწყობა	550
02 06 03	სადღესასწაულო ღონისძიებები	300
02 06 04	შადრევან-აუზების ექსპლოატაცია, რეაბილიტაცია	12.0

02 08	საპროექტო დოკუმენტაციისა და საექსპორტო მომსახურების შესყიდვა	750
02 10	სოფლის პროგრამის მხარდაჭერა	300
02 11	ოჯახების სოციალურ - ეკონომიკური გაძლიერების მხარდაჭერის პროგრამა	100
03 00	დასუფთავება და გარემოს დაცვა	3275
03 01	დასუფთავება და ნარჩენების გატანა	2880
03 02	მწვანე ნარგავების მოვლა-პატრონობა, განვითარება	375
03 04	უპატრონო ცხოველების მოვლითი ღონისძიებები	20.0
04 00	განათლება	5560
04 01	სკოლამდელი დაწესებულებების ფუნქციონირება	5500
04 03	განათლების ხელშეწყობა	60
05 00	კულტურა, ახალგაზრდობა და სპორტი	5525,3
05 01	სპორტის სფეროს განვითარება	2690
05 01 01	სპორტული დაწესებულებების ხელშეწყობა	2050
05 01 01 01	სპორტული ცენტრის ხელშეწყობა	950
05 01 01 03	სტადიონის ფუნქციონირება	250
05 01 01 04	ქალთა სპორტის განვითარება	200
05 01 01 05	საფეხბურთო სკოლის ხელშეწყობა	650
05 01 02	სპორტის ხელშეწყობა	90
05 01 03	კაპიტალური დაბანდებები სპორტის სფეროში	550
05 02	კულტურის სფეროს განვითარება	2800,3
05 02 01	კულტურის სფეროს დაწესებულებების ხელშეწყობა	2675,3
05 02 01 01	კულტურის დაწესებულებათა გაერთიანების ხელშეწყობა	1917
05 02 01 02	სახელოვნებო განათლების ხელშეწყობა	758,3
05 02 02	კულტურის ხელშეწყობა	85,0
05 02 04	რელიგიური ორგანიზაციების ხელშეწყობა	40.0
05 03	ახალგაზრდობის მხარდაჭერა	35
06 00	ჯანმრთელობის დაცვა და სოციალური უზრუნველყოფა	1855
06 01	ჯანმრთელობის დაცვა	310
06 02	სოციალური დაცვა	1545
06 02 01	შშმ პირთა დახმარების პროგრამა (პროგრამა აერთიანებს	176.0
06 02 02	მრავალშვილიანი ოჯახების და მესამე და მომდევნო ახალშობილზე დახმარების პროგრამა	45.0
06 02 03	სამკურნალო და საოპერაციო ხარჯებით დახმარების პროგრამა	250.0
06 02 04	სარეაბილიტაციო ცენტრ "ივენანას" თანადაფინანსების პროგრამა	20.0
06 02 05	მოსწავლეთა ტრანსპორტირების პროგრამა	20.0
06 02 06	მზრუნველობამოკლებულთა უფასო კვებით უზრუნველყოფის პროგრამა	190.0
06 02 07	მოწყვლადი ოჯახების ერთჯერადი ფულადი დახმარების პროგრამა(პროგრამა აერთიანებს	106.0

06 02 08	ომის ვეტერანებისა და მათი ოჯახების დახმარების პროგრამა	55.0
06 02 09	მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა	130.0
06 02 10	ლანჩხუთის რეგიონალური ორგანიზაციის „გამარჯვებულ ქალთა კლუბი“- ს ონკოპაციენტთა მხარდაჭერის, რეაბილიტაციის და ფარისებრი ჯირკვლის კიბოს სკრინინგისა და ადრეული გამოვლენის პროგრამა	80.0
06 02 12	მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახების, ქალთა მიმართ ან/და ოჯახში ძალადობის მსხვერპლთა დახმარების, ასევე სახელმწიფო ზრუნვის სისტემიდან გასული ახალგაზრდების ერთჯერადი ფულადი დახმარების პროგრამა	57.0
06 02 23	აუტისტური სპექტრის მქონე ბავშვთა სარეაბილიტაციო კურსის დაფინანსების პროგრამა	180.0
06 02 24	ლანჩხუთის მუნიციპალიტეტის პერსონალური ასისტენტის სერვისის პროგრამა	176.0
06 02 25	რისკის ქვეშ მყოფი 0- დან 18 წლამდე ბავშვიანი ოჯახების გაძლიერების პროგრამა	60.0

სახელმწიფო ბიუჯეტის ფონდებიდან დაფინანსება განსაზღვრულია 486, ათასი ლარით.

ლანჩხუთის მუნიციპალიტეტის ბიუჯეტის ხარჯებისა და არაფინანსური აქტივების ზრდა ფუნქციონალურ ჭრილში

საერთო დანიშნულების სახელმწიფო მომსახურება - 6697,6 ათასი ლარი;

ეკონომიკური საქმიანობა - 1483,4 ათასი ლარი;

გარემოს დაცვა - 3255 ათასი ლარი;

საბინაო-კომუნალური მეურნეობა - 3254 ათასი ლარი;

ჯანმრთელობის დაცვა 310 ათასი ლარი

დასვენება, კულტურა და რელიგია-5525,3 ათასი ლარი;

განათლება -5560 ათასი ლარი;

სოციალური დაცვა -1545 ათასი ლარი;

ლანჩხუთის მუნიციპალიტეტის მერიის საფინანსო-საბიუჯეტო სამსახურის უფროსმა **როლანდ ლაშხიაშვილმა** ასევე აღნიშნა, რომ ლანჩხუთის მუნიციპალიტეტის 2026 წლის ბიუჯეტის პროექტის კომისიებსა და ფრაქციის სხდომაზე გამოთქმულ შენიშვნებისა და წინადადებების საფუძველზე დაკორექტირდა და პროგარამების დასახელებები განისაზღვრა:

-შშმ პირთა დახმარების პროგრამა.

- მოწყვლადი ოჯახების ერთჯერადი ფულადი ჯილდო.

-მძიმე საცხოვრებელ პირობებში, უბედური შემთხვევებისა და სტიქიური მოვლენების შედეგად დაზარალებული ოჯახების, ქალთა მიმართ ან/და ოჯახში ძალადობის მსხვერპლთა დახმარების, ასევე სახელმწიფო ზრუნვის სისტემიდან გასული ახალგაზრდების ერთჯერადი დახმარების პროგრამა,

- რისკის ქვეშ მყოფი 0-დან 18 წლამდე ბავშვიანი ოჯახების გაძლიერების პროგრამა.

- საზოგადოებრივი სივრცეების მოწყობა-რეაბილიტაცია ექსპლოატაციის ღონისძიებები ბიუჯეტის პროექტით განსაზღვრულია 450000 ლარით და დაფინანსება განხორციელდება პრიორიტეტული პროექტების შესაბამისად.

- სამკურნალოდა საოპერაციო ხარჯების დახმარების პროგრამით გათვალისწინებულია თვალის ბადურის სამკურნალო (ავასტინი) დაფინანსება.

მუნიციპალიტეტის 2026 წლის ბიუჯეტის პროექტი შემოსავლის ნაწილში გაიზარდა 118000 ლარით და განისაზღვრა 22074400 ლარით, შესაბამისად 118400 ლარით გაიზარდა გზების კაპიტალური შეკეთების სამუშაოების დაფინანსება და განისაზღვრა 518400 ლარით.

ფინანსური რესურსების დეფიციტის გამო სხვა შენიშვნების გათვალისწინება ბიუჯეტის პროექტის ღონისძიებებში ვერ მოხერხდა.

კომისიის თავმჯდომარემ **კარლო კვიტაიშვილმა** მადლობა გადაუხადა საფინანსო-საბიუჯეტო სამსახურის უფროსს გაწეული მუშაობისთვის და აღნიშნა, რომ წლის მთავარი დოკუმენტი - 2026 წლის ბიუჯეტი შეძლებისდაგვარად მორგებულია ყველა იმ პრობლემასა და საკითხზე, რა ფინანსური შესაძლებლობა და შემოსავლებიც არის ჩვენს მუნიციპალიტეტში და სოციალური პროგრამები ერთ-ერთი საუკეთესოა ქვეყნის მასშტაბით.

კომისიის წევრის **დარეჯან ბურჭულაძის** თქმით, ის იმედს იტოვებს, რომ მომავალი წელი გაცილებით უფრო ეფექტური იქნება მიმდინარე წელთან შედარებით და კიდევ უფრო ბევრი კარგი საქმე გაკეთდება მუნიციპალიტეტის მოსახლეობისათვის.

კომისიის წევრების მიერ დადგენილების პროექტთან დაკავშირებით შენიშვნები არ გამოთქმულა.

კომისიის თავმჯდომარემ, კარლო კვიტაიშვილმა კენჭი უყარა დადგენილების პროექტს.

მომხრე 9; წინააღმდეგი არც ერთი.

დღის წესრიგის მეორე საკითხი: ა(ა)იპ „ლანჩხუთის მუნიციპალიტეტის კულტურის დაწესებულებათა გაერთიანების“ 2026 წლის მიმდინარე საკითხებთან დაკავშირებით შეკითხვებს უპასუხა კულტურის დაწესებულებათა გაერთიანების დირექტორმა **გოდერძი ქურიძემ**. მან ისაუბრა კულტურის სახლში არსებულ პრობლემებზე. მისი თქმით, შენობის დემონტაჟი და ახლის აშენება დიდ ხარჯებთანაა დაკავშირებული და ვერ მოხერხდება, მაგრამ უნდა გაკეთდეს რესტავრაცია სამხარაულის ექსპერტიზის დასკვნის შემდეგ. მან ასევე ისაუბრა სოფლებში არსებულ კულტურის სახლებზე და აღნიშნა, რომ სუფსაში არის საპირფარეოს პრობლემა, გასახდელის იატაკი კაპიტალურად არის შესაკეთებელი, ასევე არის ელექტრო გაყვანილობის პრობლემა მოსაგვარებელი, პრობლემებია აკეთისა და მამათის კულტურის სახლებშიც, ხოლო რაც შეეხება ცეკვის დარბაზს, აქ იატაკი შეიცვალა, გარემონტდა ლესის კულტურის სახლი სოფლის პროგრამის ფარგლებში.

გოდერძი ქურიძე აგრეთვე შეეხო ბიბლიოთეკების და მუზეუმების საკითხს. მისი აზრით 18 ბიბლიოთეკა პატარა მუნიციპალიტეტისთვის ძალიან ბევრია და რამოდენიმე მათგანი უნდა დაიხუროს, ზოგიერთ ბიბლიოთეკაში წიგნები იმდენად ძველია, რომ ჯანმრთელობისთვის საზიანოა და აუცილებელია მათი ჩამოწერა, რაც უნდა მოხდეს საკრებულოს ბრძანებით. ხოლო რაც შეეხება ჩოჩხათის და აცანის ბიბლიოთეკებს, ყველაზე წარმატებულია მუნიციპალიტეტში.

მისი აზრით, თემურ ფირცხალაიშვილის სახელობის მუზეუმს უნდა შეეცვალოს სტატუსი და გადაკეთდეს ლიტერატურულ სალონად, ხოლო მხარეთმცოდნეობის მუზეუმს უნდა ერქვას ისტორიის მუზეუმი.

კომისიის თავმჯდომარის **კარლო კვიტაიშვილის** აზრით, იმ საკითხების გადაწყვეტას, რომელთაც არ ჭირდება ფინანსები და საჭიროა მხოლოდ საკრებულოს თანხმობა, რათა გამყარდეს მუნიციპალიტეტის მერისა და კულტურის დაწესებულებათა გაერთიანების დირექტორის პოზიცია, სასურველია ამ მოწვევის საკრებულოში დროულად მოხდეს გადაწყვეტილების მიღება.

კომისიის წევრმა **დარეჯან ბურჭულაძემ** აღნიშნა, რომ სოფლები არის ძალიან მძიმე მდგომარეობაში. თუ დაიხურება ბიბლიოთეკა, არ იქნება სკოლა, სოფელი აღარ იარსებებს. ის ასევე დაინტერესდა, ორი სამსახურის შეთავსებაზე თუ შეიქმნა პრობლემა კულტურის დაწესებულებათა

გაერთიანებაში, რაზეც **გოდერძი ქურიძემ** უპასუხა, რომ მუნიციპალიტეტს თავისი მიდგომა ქონდა საკითხთან დაკავშირებით და იხელმძღვანელა მათი რეკომენდაციით, ამიტომ ზოგიერთს მოუწევს სამსახურის დატოვება, ზოგს საათების შემცირება, ხოლო ზოგიერთ მათგანთან გაფორმდება ხელშეკრულება და საჭიროების შემთხვევაში მოხდება მათი გამომახება.

კომისიის წევრის **ნინო მშვიდლობაძის** აზრით ყველა მუზეუმი უნდა გაერთიანდეს, მოექცეს ერთ სივრცეში და დაერქვას ლანჩხუთის ისტორიის მუზეუმი.

გოდერძი ქურიძემ ასევე ისაუბრა იმის შესახებ, რომ სურვილი აქვს წლის განმავლობაში დაიდგას ორი სპექტაკლი, მათ შორის ერთი საბავშვო, ხოლო მომდევნო წელს აპირებს დადგას სპექტაკლი „ემიგრანტები“.

კარლო კვიტაიშვილი დაინტერესდა კულტურის ცენტრთან არსებული ცეკვის ანსამბლი „მხედრები“ რას გეგმავენ სამომავლოდ. **გოდერძი ქურიძემ** უპასუხა, რომ ანსამბლს აღდგენიდან ერთი წელი უსრულდება მალე და გაზაფხულზე სოლო კონცერტით წარდგებიან მაყურებლის წინაშე, სადაც დაახლოებით 8-9 ცეკვა შესრულდება, ხოლო შემდეგ ანსამბლი წავა გასტროლზე.

კომისიის წევრმა **თენგიზ ხუბუნიშვილმა** აღნიშნა, რომ მრავალშვილიანი და სოციალურად დაუცველი ოჯახის შვილები, რომლებიც არიან სხვადასხვა წრეების მოსწავლეები, გათავისუფლებული არიან გადასახადისგან. მისი იდეაა, შშმ პირებიც გათავისუფლდნენ გადასახადისგან.

საკრებულოს თავმჯდომარის მოადგილემ **მაია ლომთაძემ** მადლობა გადაუხადა კულტურის დაწესებულებათა გაერთიანების დირექტორს და ყველა მის თანამშრომელს მიმდინარე წლის თებერვლის თვეში მომხდარი სტიქიის დროს გაწეული შრომისთვის.

კომისიის წევრმა **გელა პატიშვილმა** მადლობა გადაუხადა **გოდერძი ქურიძეს** და აღნიშნა, რომ მიმდინარე წელს საფუძველი ჩაეყარა „მამათობას“ და რომ არა კულტურის ცენტრის დიდი თანადგომა, ვერ ჩატარდებოდა აღნიშნული ღონისძიება. მან ასევე აღნიშნა, რომ ანსამბლს „ხელხვავი“ ჰყავს ერთი ახალი წევრი, რომელსაც ესაჭიროება ჩოხა-ახალუხი.

კომისიის წევრმა **ირაკლი ტოროტაძემ** აღნიშნა, რომ აკეთის კულტურის სახლში არ არის სკამები და შესაძენია.

აღნიშნული საკითხი კომისიის წევრების მიერ ცნობად იქნა მიღებული.

დღის წესრიგის მესამე საკითხი: ა(ა)იპ „ლანჩხუთის მუნიციპალიტეტის სპორტული ცენტრის“ 2026 წლის მიმდინარე საკითხების შესახებ ისაუბრა სპორტული ცენტრის დირექტორმა **დიმიტრი მარშანიშვილმა**.

კომისიის თავმჯდომარემ **კარლო კვიტაიშვილმა** მადლობა გადაუხადა სპორტული ცენტრის უფროსს და ყველა მის თანამშრომელს იმ თავდადებასა და შრომისთვის, რასაც ისინი ეწევიან. შემდეგ მან კომისიას გააცნო ბერძნულ-რომაული ჭიდაობის უფროსი მწვრთნელის დავით მჟავიას წერილი, სადაც ის ითხოვს იმ სპორტსმენებს, რომლებიც მსოფლიოს, ევროპის და საქართველოს ოფიციალურ ჩემპიონატებში მიაღწევნენ წარმატებას, დაენიშნოთ ერთჯერადი პრემიები. **კარლო კვიტაიშვილმა**

აღნიშნა, რომ ოლიმპიადის, მსოფლიოს, ევროპის და საქართველოს ოფიციალური ჩემპიონატების საპრიზო (I,II,III) ადგილებზე გასული, ლანჩხუთის მუნიციპალიტეტის სახელით მოასპარეზე სპორტსმენებისა და მწვრთნელების წახალისება ფულადი ჯილდოს სახით უკვე ხორციელდება და კიდევ დამატებითი პრემიის გასაცემად მუნიციპალიტეტი ამ ეტაპზე მზად არ არის.

კომისიის წევრის, **თენგიზ ხუბუნაიშვილის** იდეაა, ყოველი წლის ბოლოს მოხდეს საუკეთესო სპორტსმენის გამოვლენა და მას გადაეცეს ფულადი პრემია, რასაც კომისიის ყველა წევრმა დაუჭირა მხარი.

სპორტული ცენტრის დირექტორის **დიმიტრი მარშანიშვილის** აზრით, კარგი იქნება, თუ ჭიდაობის ფედერაციის მიერ მოხდება საუკეთესოს არჩევა, რადგანაც ისინი უფრო კომპეტენტურები არიან. მან აგრეთვე ისაუბრა იმის შესახებ, რომ მოჭიდავეებს ორი გასვლითი შეკრება აქვთ წლის განმავლობაში, რაც თავისთავად ფინანსებთან არის დაკავშირებული და მიმდინარე წელს მხოლოდ ჭიდაობისთვის 36000 ლარი დაიხარჯა.

სპორტული ცენტრის ბუღალტერმა **მედეა ხუბუნაიშვილმა** ისაუბრა იმის შესახებ, რომ კვების თანხასთან დაკავშირებით არის პრობლემა. მხოლოდ 15 ლარია გამოყოფილი სპორტსმენების კვებისთვის გასვლითი შეკრებების დროს და მას უფლება არა აქვს საკრებულოს დადგენილების გარეშე გაზარდოს თანხა.

კომისიის წევრის, **დარეჯან ბურჭულაძის** აზრით 15 ლარი დღიური ანაზღაურება არის ძალიან მცირე. მისი სურვილია თანხა გაორმაგდეს და გახდეს 30 ლარი, მითუმეტეს თუკი ცვლილება არ მოახდენს ბიუჯეტის ზრდას.

კომისიის თავმჯდომარე ასევე დაინტერესდა, თუ რა მდგომარეობაა საცურაო აუზთან დაკავშირებით, რაზეც **დიმიტრი მარშანიშვილმა** აღნიშნა, რომ 75000 ლარი აქვთ გამოყოფილი ფილების შესაცვლელად, რადგანაც არის ძალიან ცუდ მდგომარეობაში და წესით მთლიანად საჭიროებს რეაბილიტაციას, მაგრამ ამ ეტაპისთვის საკმარისი თანხა არ არის. ასევე აუცილებელია იყოს მასაჟისტიც.

საკრებულოს თავმჯდომარის მოადგილის **მაია ლომთაძის** აზრით, კარგი იქნება თუ გარემონტდება საცურაო აუზი, რაც მუნიციპალიტეტისთვის იქნება დიდი ფუფუნება.

კარლო კვიტაიშვილი აგრეთვე დაინტერესდა რა სიტუაციაა კარატეში, რაზეც **დიმიტრი მარშანიშვილმა** აღნიშნა, რომ კარატეს მწვრთნელი ტოვებს სამსახურს, რადგანაც ორ ადგილას ვერ უთავსებს მუშაობას, იგივე სიტუაციაა მაგიდის ჩოგბურთშიც.

კომისიის წევრის **დარეჯან ბურჭულაძის** აზრით სასურველია, თუ სპორტული ცენტრი გადაკეთდება და გახდება სპორტული სკოლა, მაშინ მწვრთნელს მიენიჭება პედაგოგის სტატუსი, რაც ბევრ პრობლემას აღმოფხვრის. მწვრთნელ-პედაგოგს ექნება საათების შეთავსების უფლება სხვა სკოლაშიც და კანონი ამ შემთხვევაში ვეღარ შეზღუდავს.

კარლო კვიტაიშვილი დაინტერესდა, სოფელ გვიმბალაურში არსებულ დარბაზს, სადაც ამჟამად ტარდება ჭიდაობის ვარჯიშები, რა ფუნქცია ექნება ახალი დარბაზის დასრულების შემდეგ, რაზეც **დიმიტრი მარშანიშვილმა** გააკეთა განმარტება, რომ გაკეთდება ტანვარჯიშის დარბაზი, ასევე შეიძლება ბატუტის გაკეთებაც.

კომისიის თავმჯდომარის **კარლო კვიტაიშვილის** იდეაა, კომისიის მიერ მოხდეს სხვადასხვა წრეების მონიტორინგი, ასევე მოხდეს ბიბლიოთეკების შემოწმებაც. ის ასევე დაინტერესდა, თუ რა ხდება რაგბთან დაკავშირებით. **დიმიტრი მარშანიშვილმა** უპასუხა, რომ აქვთ სერიოზული